



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко“ Крыница.

Пренумерата в краю:
50 грошей місячно,
2.50 зл. полрочно,
5 зл. рочно.
В Америці: 1 дол. полрочно,
2 дол. рочно.
В Чехословакии:
3 кор. місячно, 15 кор. полрочно,
30 кор. рочно.
Конто чекове Нр. 404.155.

Выборы до Сейма на новых основах.

Новы выборы до сейма маот перевести в осени слідующего року. Тепер собранный сейм хоче ухвалити ище пару змін в проектї новой конституции, ухваленой в січні т. р. через сейм. Правлене сейма стремит до того, чтобы нова конституция была ухвалена ище перед уконченем звычайной сесии сейма и сената, т. е. перед 1. квітня т. р.

Теперешна сесия сейма и сената ест последнем звычайном сесиом парламентарных па-

лат в теперешной каденции, начатой осенью 1930. року.

В виду того ухвалене новой конституции буде вымагати также ухваления

новой ординации выборной.

Можна надіяти ся, што новы выборы будут переведены на совсем новых основах правных. Таксамо маот быти змінены выборчи округы и ест возможно, же Лемкы будут творити отдельный округ выборчий.

О. Д-ра Василия Масцюха.

Подробности подаме в слідующем номері.

Горе Лемковщины.

Дня 27. листопада т. р. в суді в Горлицах уявила ся перед карным судом одна из найсмутнійших картин нашего народного жия в лемковском селі.

Судила ся справа о напад на читальню им. Качковского в Смерековци и зневагы, яких допустили ся при том нападі „вітець“ Василь Шевчук и сестра его Мария Шевчук.

Десятки свидков так одной як и другой стороны под присягом ствердили, што памятной неділі в місяци маю вечером, коли уж змеркало, сошли ся члены читальні им. Качковского до дому читальняного, где была уж от тыждня раньше приготовлена членска забава.

Того самого пополудья о. Шевчук устроил процесию с походом по полях, чтобы молити ся о дощ, бо была посуха и вертал с процессиом из поля аж вечером о змерку.

Коли пришол с процессиом на роздорожа, откаль видно было читальню и коли ся довідал, же в читальні сошли ся члены и буде забава с музыком, мимо того, што музыка в тотчас не грала, бо сами участники процессии под присягом сознавали, же музыки совсем не чули, вмісте вертати с процессиом до церкви, звернул на иншу дорогу, а именно тоту, котра вела до читальні, отдаленой от роздорожа о 50 до 60. метров и казав ити за собом цілой процессии.

Участник процессии, котрый вел на переді крест, мал найвече розума, бо тот не выступил штурмом на читальню, лем остал на розі. Всі прочи с хоругвами и образами, во главі с „вітцем“ Шевчуком, пошли под самы сходы читальні.

Люды ишли не знаючи, где и по што, бо мыслили, што если их веде священник, то зле их не поведе.

Тымчасом из читальні вышли перед двери члены выдїла Марко Тьма, Петро Лозыняк и Мария Станчак и заступили собом вход до читальні.

Кырвавый бой между италиянами и абисынчиками.

Италия має в Африці колонію Сомалья. Часть той колонии належит до Англии. Со Сомальом граничит гористый край Абисыния, котру заселяют этиопчики.

От часу до часу, помимо уверень со стороны правительства абисынского, же оно хоче удержати мир с Италиом, этиопчики нападают на талиянов под претекстом, же то талияны перекрочают границу.

Дня 8. грудня появили ся зас на талиянской территории этиопчики, вооружены в карабины машиновы, одну армату старого тыпа и в карабины ручны и напали на талиянску крпость Улюаль. Бой тревал кильканадцет годич. Помимо великих страт этиопчики не хотіли уступити, и лем, коли новый отряд талиянских войск заатаковал нападников, они цофули ся, оставляючи оружие. Страты по обох сторонах сунт великы. По обчисленю подають, же этиопчики стратили 116 люда убитыма и 700 люда ранено. Между войском талиянским ест 66 вояков убитых и 400 раненых. Италия лишила на границі абисынской пару военных аероплянов, котры маот слідити движене на границі и не допустити в будучности до подобных нападтей.

Катастрофальна злива в Португалии.

От перешло неділі падал в Португалии безпрерывный, сильный дощ, котрый переминил ся в зливу. В послідстві той зливы, вода заляла цілый ряд сел, положеных над берегами рік так скоро, же люды не потрафили ся уратовати. Под водом находит ся моц сел и міст. Страты сунт величезны, бо цілый добыток селян ест знищений. Великы сунт страты особенно в инвентарі живом и мертвом.

Над Океаном Атлантийском шаліла буря. Вшиткы получения телефоничны и телеграфичны сунт сорваны. Знищены сунт также электровні и міста не маот світла. В отчаянном положеню нашли ся рыбацкы лодкы, котры не вернули в пору до порта, Маса тых лодок пропала, а ряд рыбацких пароходов вышмарила вода морска на берег. Величезны страты поробила злива также в головном місті Португалии—Лизбоні, где вода затопила низше положены улицы и дома. Рух в місті устал.

Перед выходом номера редакция одержала телеграму, што

Апостольским администратором для Лемковщины
назначено

ПОМІЩАЙТЕ
ОГОЛОШЕННЯ
В ГАЗЕТИ „ЛЕМКО“.

Василь Шевчук в фелоні с крестом в руках выскочил на помост, котрый ест вмісто ганка перед дверми читальні и хотіл войти до ней.

Наткнувши ся в том „штурмі“ на Марию Станчак, нахнул ся на ню, як астряб на куру и махаючи ей над головою крестом, нелюдским голосом кричал: „Тебе Бог снаре, ты музыку даеш, не будеш мала што істи!“

Потому кричал о безбожниках, о посуеі, о карах Божих и т. д. и хотіл за всяку ціну вдерти ся до читальні, но члены выділа не впустили его в читальню.

Перед читальньом тимчасом зробило ся збіговиско и суматоха. Участники процесии змішали ся с людьми, котры пошедили ся на забаву и начала ся сварня, штурмане и соблазнь до безконечности. Збіговиско тото спривокане о. Шевчуком тривало, як присягали свіднове, десять до пятнадцат минут.

И кто зна, до чего могло там дойти, ели бы участники процесии не были людьми ризважними и не ушановали хоругвей, образов и т. д. и ели бы были так наперали „штурмом“ до читальні як о. Шевчук. И так приміром, оден участник процесии, котрый не хоругв, яко свідок под присягом сезнал, же не мог всего чути и видіти, бо бара близко, на сам помост, не входил, бо ся боял о хоругв, жебы кто в етиску не ветрутил, або не ледер, бо было уж и темново.

Видячи, ште до читальні штурмом ся не вотре и видячи, што участники процесии отступают и сам отетупид постыдне и попровадя процесию до церкви.

О. Шевчук хотіл оправдати ся перед судом, же до читальні он не хотіл ся вдерати, же пришол лем под читальню, жебы уділити моральной науки членам читальні, же должны также ся молити о дощ, а не танцовати, же врешті и его епископ приказал ему в таких елучаях так поступати.

Росправа судова по переслуханю 10. свідков выказада в достаточной мірі вину обжалованого.

Суд признал о. Шевчука винным и засудил его на кару двух тыждней ареста. Не мыслите сой лемкы, же то первый и последний выступ „вітця“

Василя против ненавистной ему читальні Качковского и не мыслите сой, же тото, што зробил о. Шевчук, зробил он из других причин, як из ненависти до всего, што руске?!

Не раз и не два выкрикивал он из казальницы против читальні и против ей членам и не раз своим поведением доказал, же религия и моральность у него ничим, лем жебы покорити рускость, а выдвигнути украинство.

Ци чувана то річ, жебы священник намалял сына, штобы не ходил до своих родычей и штобы ся их вырек для того, же они перешли на парвославие.

А тото ребил о. Шевчук с Григориом Станчаком.

Но не мыслите сой лемкы, же всіх православных так ненавидит о. Шевчук.

Лем русских,—бо сам не може повліяти на свою сестру, жебы не водила ся с православным теольогом из Гладышова, а што веце, сам того теольога православного гостит в своем домі,—бо тот теольог не русский,—лем украинец.

Значит мораль и етыка о. Шевчука така: все, што руске то скверне, неетычне и безидейне, але всякий прохвост, всяке лайдацтво, всяка гнль моральна в очах о. Шевчука добра и етычна, ели она пахне украинством.

И человек о такой етыці має лице боронити ся в суді, што не политычна ненависть, лем чувство религиозного фанатизма руководило ним, коли летіл в фелоні и с крестом в руках на двери читальні?! О. Шевчук задал собі и тот труд, же выписал из писма святого такы изречения, котры мади усправедливити его поступок, лем же судия руководячи ся етыкком честного человека, а не етыком украинского теольога из школы епископа Коцыловского, не хотіл и слухати тых изречень.

А як пасовали собраны о. Шевчуком цыгаты писма святого до описаного поступка, свідчит хоцбы тото, же о. Ш. соелал ся на Исуса Христа, прогнавшего из святыні торгующих тамже и поровнивал его с собом.

Ци можна вообразити собі ище большу міру облуды и цынизма?!

(Продолжене слідуе).

Заслужена честь великому Ученому

Г-ну Президентови, проф. И. Мосцицкому.

В минувшом тыждні ціла Польша и ціла наука польска отдали честь великому Ученому, Господину Президентови, проф. И. Мосцицкому в тридцету рочницу Его научного труда.

Світ знаня польского чтил Достойного Ювилата в дому Технольогии Хемичной Политехники варшавской и в доказ почитаня отдал до ужитка польской науці два новы зданя-святыні знаня техничного, котрого тайны через тридцет літ вынаходчого и творческого труда открывал для добра своего народа Г-н Президент проф. И. Мосцицкий.

В торжестві взяли численну участь пред

ставителі правительства с г-ном Премиером проф. Козловским и министром просвіщеня во главі, світа научного с ректорами университетов, генералиции, организации и молодежи университетской.

В пятницу 7. грудня т. р. отбыла ся в звязи с тым в Варшаві торжественна академия, на котрой выголошено ряд бесід, представляючи творческий труд Достойного Ювилата.

Зворушенный Г-н Президент подяковал в коротких словах за сердечну признательность Его трудам.

Долгы рольны селянства,

котры повстали с тытула купна землі и родинных поділов.

Загальном основном, принятом в законі отдолженьевом ест так звана основа нетрогательности капитала, то значит, же капитал пожиченый має быти сплаченый в цілости. Льготы полягают на обниженю опроцентования (до 30% або 41½%) на розложеною долга на долги сплаты, на заміні долгов ипотечных на долготерминный кредит в заставных листах и т. д.

Того рода основа была принята в отношеию до всіх долгов рольных в виду кред. теров прыватных и прыватных институтии банковых.

От той однак основы отступил отдолженьевый закон в ряді многих елучаев, котры особенно для малых господаров сельских могут мати перворядное значение. Предвиджено имено, кромі розложения на раты и понижения

опроцентования также поменшене должной сумы, ели долг походит с тытула купна землі, або с т. зв. родинных поділов. Оба тоты роды задолжения повстали переважно в часі лучших уеловии господарчих. Господарства рольны давали втотчас доходы. Ціна землі подносила ся, Рольник охотно складал свои ещадности в землі, купуючи новы парцелі, або докупуючи грунт до старого своего господарства. Охотно тыж в елучаю родинных поділов, годжено ся на сплату наслідников, вірячи, же доходы с господарства позволят ему сплатити их грошми в коротком часі.

Тымчасом упадок цін землі и продуктов рольных в часі крызы поставил должника в трудном положении. Заплата полной решты договорной ціны купна землі и договорных сплат с грунта стала ся для должника невозможлива.

Якы льготы отже предвиджуе тот закон в тых долгах.

Розсмотрме передом долги с тытула поділов родинных и наслідственных.

Ели господар має долги с того тытула,— може звернути ся в продолженю 3 літ до уряда роземчого с внесением о понижене того долга. В внесению о начате поступования господар повинен скликати вшитких своих вірителей с тытула поділа. Ели внесене буде основане, уряд роземчий выдест постановлене, понижающее высоту, незаплаченной належности. Треба однак памятати с том, же льгота може быти признана с тытула лем тых поділов родинных и наслідственных, котры были договорены в часі от 1. січня 1926 р. до 1. липня 1932. р.

Ели ходит о долги с тытула незаплаченной решты ціны купна землі, то господары будут користати с двух родов льгот в зависимости от того, от кого купили землю.

Ели земля куплена была с парцеляции державной, то льготу достает ся с силы самого права. Ходит в том разі о землю державну и о належность с тытуда купна той землі в виду Фонда Оборотового Реформы Рольной. Закон постановляят, же належность того Фонда с тытула утвореных при парцеляции недвижимостей державных господарств рольных, огородничо-яриных и ремесельно-сельских, будут понижены в пропорции, отвічающей понижению вартости землі и других складников господарчих тых господарств. Основы, на котрых буде обчислена высота того понижения долга, усталит мающее появити ся распоряжене министра рольництва и реформ рольных.

Поважному понижению, бо о 50%, а для некоторых господарств аж и больше, подпадут уділены господарам пожички с Фонда Оборотового Реформы Рольной (при посередничтві Рольного Банка) на купно землі с парцеляции. Льгота тота буде стосована до тых пожичок, тотры были выплачены перед 1. липня 1932. р.

Отже, як видно с того, при купні землі державной, або и прыватной при помочи пожичок с фондов державных, льготы для рольников будут барз выдатны, а формальности при одержаню тых льгот невеликы. Льготы тоты будут стосованы в виду многих господаров, бо треба памятати, же задолжене рольников с тытула купна землі с парцеляции державной выносит около 400 миллионов злотых, а пожички уділены при парцеляции, комасации и мелiorации грунтов с Фонда Оборотового Реформы Рольных выносят около 230 миллионов злотых. Вшиткы тоты долги остави помешены законом по крайней мірі с полевнью.

Ели ходит о несплачену решту ціны купна землі с парцеляции прыватной, то ту также, як при долгах с тытула поділов родин-

ных и наследственных, понижити суму дояга буде мог Роземчий Уряд на внесене должника. Але в том случаю, так як и при долгах, неветалых с подішев рдинных, буде мати право до покижеця долга лем тот, котрый купи грунт с парцелации в часі от 1. січня 1926 до 1. липня 1932 р.

На основі внесене должника Уряд Роземчий усталит, яку суму заплачено до тепер покупателем, вчислаючи в тоту суму так виплату готовыма грошми, як и долги и други обяжеця, переняты покупателем до заплаты. Потом на основі такого усталена и договореной ціны продажной, Уряд Роземчий обчислит, за яку част грунту покупатель уж заплатил. Погодивше Уряд Роземчий отаксуете грунт по теперешних цінах рыночных, — усталит на основі того отаксования вартость той части недвижимости, за котору покупатель ище не заплатил и обнижит решту ціны купна до высоты той вартости.

Сплата пониженой таким способом решты ціны купна, або тыж решты долга с тытула ділов ролинных и наследственных буде розложена Урядом роземчим на 14 літ и опроцентоване буде понижене до стопы не низшой, як 30%, але и не вышой, як 41 1/2 0/0.

Коли будут оголошены распорядження выконательны, котры уж сут на уконченю, можуть господары приступити до начала стараль в Роземчих Урядах в цілі приенаня им описаных льгот. Чим скорше ся тоте зробит, тым вчаснійше наступит ожидае господарам поменшене их долгов.

С наших людей однак мало ест таких, котры маот долг в Фонді Оборотовом Реформ Рольных. Такой долг маот лем тоты села, котры переводили комасацию грунту и древоване мекрых лук и на тоту ціл достали кредит. Господарам тых сел змаліл тепер долг што-найменше о половину. Добре и того.

Остерегае наших читателей, што лем в нашой фирмі можна купити правдавы, чорны, автоматичны бравнингы, усуваючы по стрілі гильзу. Бравнингы опатентованы фабр. знаком «Strzala». Всякы инши розрекламованы бравнингы автоматично гильз не усувают, они останаю в люфі револьвера, откаль треба их усувати при помочи гвоздя.

ЧУДО ТЕХНИКЫ — АВТОМАТИ стріляю до цілі металловыма кулями або дробю до птахов. Оксидованы, плоскый, гварантузчий особисту безпеку. Стріл громовый. Ціна лем 7*95 зл. 2 шт. — 13*90 зл. 10-то стрільный—21*75 зл. Сто кульок 3*65 зл. Люфочистку дае даром. Высыламе за посліплатом. Кошты несе выписуючий.

Адресовати: Centralne Przedstaw. na całą Polskę i na m. Gdansk «Strzala» Warszawa, Zamenhofs 12, oddz. 6. B. (Vita).



Кормлене коней в зимі.

Добрым кормом сут картофлі.

Знаю річ, же найлучшим кормом для коня ест овес, котрый містит в собі вшиткы складныкы в належитой пропорции. Кто тримат коні, тот понятно, не може обійтис ся без овса, а жереби (гача) мусит овса мати тилько, килько само захоче. Тому то годовльом коней може заняти ся лем заможний господар. Не маючи овса и доброго сіна, а также свободного пространства для гачат, лучше коней не розводити, бо господар не дожде ся потіхы и вмісто коня выховат забіджену шкапу.

Робочы коні можна однак в зимі кормити ошадно. В зимі конь не робит, може отже якийсь час обійтис ся без ферсовного корма.

Чаеы теперешны сут тяжкы и неодеи господар мае жем тилько зерна, килько потреба єму на сіане на яр; овес в таких разях можна добре заступити картофлями, котры сут дешевы. Не можна однак николи давати коням картофлі суровы, але все або варены, або печены. Передом треба их конечно добре вымыти, бо пісок и земля шкодят коньови. По остуженю даеме варены, або печены картофлі, старанно погнетены, вымішаны с січком. Січка повинна быти на 3—5 центиметров долга, жебы конь мусіл ю старанно погрызти. Занадто коротку січку гытат конь разом с картофлями непогрызену, от чого може достати кольку.

На ноч даеме коньови на закладку сіно, а як ест его мало, то змішане с яром соломом. Так коня можна перекормити цілу зиму, причом он ани не схудне, о скільки лем не уживае его до тяжкой работы.

Одним однак барз важным условниом при кормленю коня картофлями ест перестерігане образцовой чистоты. Тычит ся тоту особенно жолоба. Картофлі недоіжены кыснут скоро, перед заданем отже корма, треба жолоб старанно вычистити, а решткы корма дати коровам, николи коням. Жолобы што пару дней треба старанно вымыти вапенном водом а по крайной мірі горячем водом. Конь ест авиратом барз чистым и господар мусит перестерігати чистоты и в стайні, если хоче мати с коня потіху.

Коли треба вести коровы до покритя.

Господар тримат корову головно для молока, с продажи котрого мае поважный доход. Не ест отже для него равнодушне, ци корова дае больше, пи менше молока, бо тоте становит о доходи господаря и о том, ци кошты хованя коровы сплачат ся.

Не выстарчит однак кормити корову добре, дуже зависит также от самого господаря. Тот сама корова, при той самой скількости и якосты паши, може давати менше, або больше молока, в зависимости от ріжных обставин, на котры господар не звергат увагы, судячи, же не маот они няякого вліяння на молчность коровы. Точны досліды и обсервации доказуют однак, же так не ест.

Мелже другим переконано ся, же велике вліянє на выдатность молока у коров мае час поновного зателеня коровы по отеленю. Знаю ест річ, же корова, котра не была совсім покритя, не перестает ся виправді дити, але молока дае менше, як корова по отеленю. Правда перед отеленем корова мае период засушеня, в котром не дае молока, але сама натура так урядила, же по выданю на світ теляти, корова дае больше молока для выкормленя теляти и в результаті помимо перервы молока ест больше.

Показуе ся однак, же дуже залежит от того, в який час по вытеленю корова ест на ново покритя. На основі дослідов, вачочю в той цілі переведеных оказуе ся, же корова сильно молочна, котра по поновном покритю в часі 3 до 5 неділь по отеленю давала рочно

Если была покритя в 5 до 9 неділь, те давала	—	—	3641	»	»
при покритю в 9—11 неділь			3171	»	»
»	»	»	4070	»	»
»	»	»	3964	»	»
»	»	»	3775	»	»

и т. дальше.

Як видно с выше наведеной табличкы, найотвітнійшим часом до поновного покритя короны ест час от 11 до 14 неділь по выданю на світ теляти. В том часі заплоднена корова дае молока найбільше. Ріжница ест доет велика, бо як видно с powyшеюй табличкы выносит она около 800 литров молока рочно.

Книжки для ЛЕМКОВИ

Цікава лектура!

Выдавничств «SWIT» до каждой проданой книжки додае другу цікаву и пожиточну книжку даром.

Тайны науки!

Ци хочете вы проникнути в тайны невідомово? Ци хочете вы отримати надвычайны познания?

Шиллер-Школьник. «Великы тайны гипноза». Наша сила в нас! Гипнотизм! Суггестия! Телепатия! Самовнушене! Скорє запогане страха. Скріплєне памяти, усунєне невстыглости. Зміст: Вступ. Што таке гипнотизм? 1) История гипнотизма 2) Кым повинен быти гипнотизер? 3) Квалификации гипнотизованой особы. 4) Ріжны методы гипноза. 5) Діланє гипнотизера на гипнотизовану особу. 6) Гипнотичный сон 7) Пробужденє. 8) Што отчуват заснувший от гипноза? 9) Отчуванє чуждых мыслей. 10) Яи розвинути в собі дар отгаданя чуждых мыслей. 11) Способы отгаданя чуждых мыслей. 12) Што помагат удачному отгаданю мыслей? 13) Практика открытой суггестии. 14) Ліченє при помочи открытой суггестии пняства, куреня, страсти до озартной гры, неврастєнии, головной боли, безсонницы, недержаня мочи, занканя и т. д. 15) Самовнушенє. 16) Скорє запобіганє страху. 17) Скріплєне памяти. 18) Порады тым, котры маот наміренє публично демонстровать експерименты гипнотизма. 19) Перемога мысли. 21) Присмы и вправы. 22) Дорога до счастья, добробыта и т. п. Полный курс со всіма додатками. В красной оправі Ціна 5 злотых.

Ціна книга для всіа! «Курс практичных знань». Правда дорога до незалежного, выдогого труда и самостоятельного существованя. Великий том на 240 стор. текста с 700 цінныма рецептами с докладныма объяснениями и показателями, котры всякый може выкористати при найменшой затраті часу и грошей. При поважном трактованю и энергии можна забезпечити собі, благодарячи той книжці, не лем порядне существованє, але и дойти до богатства. Ціна 1 злотый.

Коли вы родили ся? (Астрология). Серия! котра складат ся с 12 книжок, написана на основі ревелации знаменитого медиума Мисс-Хассе. Серия зложена просто и зрозуміло для всіа. Каждый може с ней легко користати. Відомости о том, як жити и што робити для здобытя успіха в жизни, предсказаня счастливых дней, чисел, коли належит забєрати до важных справ. Символичне значанє дорочинных каменей Тот, кто мае цілу серию, складуючу ся с 12 книжек, може легко поставити гороскоп каждому. Ціна цілой серии (12 книжок) 2 зл.

Пантеон мысли. Энциклопедия мудрости. Перлы людского розума. Собранє афоризмов, мыслей, речєнь, порад и поглядов великих людей, филозофов, историчных діятелей и гениєв всіа часов и народов. Собрал псыхе-френолог Шиллер-Школьник. Велика—красно выдана книга, поділена на 6. частинных отділов: 1) Етыка. 2) Культура. 3) Справедливость. 4) Наука. 5) Мистецтво. 6) Женщина. Книга тота може служити моральным подвалином во всіа случаях жита: В ней нахотят ся отвіты великих мудрецов и людей на звычыты пытаня Ціна 5 зл.

Сон и сновиденя. Зложена на основі ревелации знаменитого медиума-а Мисс-Хассе. Опера на науці объясненя слов со вступом Шиллера-Школьника. Книга тота цікава по своему змісту являт ся рідкым оказом по своей красоті, мае много красных виньет и иллюстрации, а также портрет Мисс-Хассе. Выдана в богатой с золотым тисненєм окладці. Ціна 1 зл.

Шиллер-Школьник. «Графология». Полный. практичный курс с великим количеством автографов выдатных людей світа. Автографы королей, державный діятелей, великих полководцов, выдатных писменников, славных композыторов, художников и артыстов: Автографы, душевно и умственно-хворых, мялянхоликов. Автографы выдатных преступников и авантуристов, убийц и злодєєв. Много автографов выдатных, сучасных людей с досвідом их индивидуальности. Окресленя характера, способностей и в загалі внутренних способностей с его письма. Ціна без окладкы 5 зл.

Шиллер-Школьник «Мнемоника». Ци хочете вы посідати все свіжу память? Способы придбати и остати до глубокой старости при свіжой памяти? Полный, для всіа доступный подручник. Зредагованный на основі долголітней практикы по трудам выдатных профессоров-псыхологов. Ціна 1 зл.

Замовленє на суму, меньшу як 3 злоты не выконуєме. Высыламе по одерженю грошей. Также за посліплатом по одержаню 150 зл. на почтовый выдаткы.

Наша адреса: Wydawnictwo i Redakcja «Swit», Warszawa, Żórawia 47, m. 2, róg Marszałkowskiej; (Vita)

Спор медже Югославиом и Венграми зликвидованый.

По доагих и трудных обрадах удале ся на-копец Лигі Народов зликвидовати спор ме-дже Югославиом и Венграми в ділі марсель-ского убийства югославского короля Алек-сандра. Лига Народов признала Югославию, же Венгры не сут без вины в ділі того убийства и подчеркнула обовязок властей венгерских предприняти всякы міры относи-тельно тых своих властей, котрых провинна буде доказана. О зарядженях в том напрямі обовязане ест правительство венгерске дати доклад Лигі Народов. Лига Народов ухва-лила также утворити комитет знатков, кот-рый пригетовил бы предпроект медженарод-ного договора, маючого на цілі загваранто-ване общего медженародного труда в области переследования политичного герера.

Комитет такой складат ся с 11. членов вызнатеных правительствами: Великой Бры-таній, Вельгии Испании, Чили, Франции, Италии, Польщи, Венгер, Советов, Руминии и Швайцарии.

Користный договор для Німеччины в ділі Саары.

Справа рішена, до кого мае належити Саа-ра,—до Німеччины ци до Франции, была де-финитивно задецьдована 13 сичня т. р. в до-рові загального голосованя населеня, котре там живе. Результата того гособованя ище не знаме, але уж от дня 3. т. м. можна быти певным, як вышаде того гособоване. Дня 3. грудня т. р. подписали Німеччина и Франция договор в ділі Саары. Договор тот мае дві основны точки. Одна,—то загварантоване дане правительством німецкым, же в разі прилученя Саары до Німеччины, Німеччина не буде переследовати тых людей, котры в часі плебисцита будут голосовати за Фран-циом. Друга точка ест однак важнійша, бо она уж тепер перед гособованем выявила, же Франция мае не великы виды на тето, штобы Саару задержати при собі. В той точці под-писали обі стороны договор о условиях вы-купна Німцами копалень в Саарі по повороті той территории до Німеччины. Копальні то-ты належат до Франции, ако отшкодоване за зиящене Німцами Франции в часі войны. За тоты копальні обовязали ся німцы заплатити Франции оден миллиард марок. Договор тот ест великом побідом Німеччины и неудачом Франции, котра не уміла перевести обезору-женя Німеччины и тепер мусіла уступити пе-ред ей перевагом милитарном.

ПО ЛЕМКОВЩИНІ.

Крыница: Перед місяцом приіхал до Крыницы знаный в широких, музичных кру-гах дырыгенс хора и оркестра г-н Алексан-дер Ропицкий, а уж по трох неділях своего там пребывания, выступил дня 9. грудня с чу-десно пригетовленным и организованым кон-цертом хора, переплетеным двома 1-днє актов-ками пельныма сміха и юмора. Концерт выпал величаво и зрителям пришло удивляти ся над тыма горами трудностей, якы поборел в так коротком часі г-н Ропицкий. С матеріала

еурового, не знаючого ани нот, ани основ співа—суміл он своим талантом и неустаю-чум трудом, сотворити добре агрону груду. Тому ничого удивительного, што по каждой пісні не молкли рукоплесканы.

Кинотеатр по наших селах: От имени Лемко-Союза ізидит по наших селах г-н Игор Трохановский и г-н Павел Масыра с кинем и высвітлят фильмы представляючи образы на темы: садоводства, птицеводства, кооперации, войны газовой, варельні соли, зоологичного сада, жита Исуса Христа и т. д. Крім того высвітлят также цілий ряд обра-зов комичных.

До того часу были они в селах Брунары выжили, Чарна, Світница, Баница и Ізбы пов. горлянского. Всяди образы тоты встрічано радостно, чого доказом являт ся велике чис-ло приходячих на сеансы. Ціль тых обіздов ест показати нашим людям хоц на образах, як живут люди в других краях, як они управляют свои землі, як разводят домашни звирата и якый маот с того доходы. Филь-мы сут барз поучаючи и тому люди повинни масово ходити на представленя.

Добра оказия для Лемков! Выкористайте ю, кто лем може!

Знана ест річ, же спів и музку вшиткы любят. Спів и музика лучат перживеных и соединюот людей. Кажде село хотіло бы мати у себе хор, котрый заспівал бы ладно в церкви, в читальні и при всіх праздниках рединных. Але не каждое село мае у себе чоловіка, котрый уміл бы такой хор про-вадити.

В Крыниці уряджат Лемко-Союз курс 2-мі-сячній, на котром можна буде выучити ся провадити сельскы хоры церковны и читаль-ными. Курс тот буде провадити олавкый дырыгенс г-н Александр Ропицкий. Курс начне ся 21 сичня 1935 р. сейчас по Йордані. На курс повинни зголошати ся лем такой, котрый маот охоту до співу, слух и якый—такой голос. Оплата за курсанта повинна за-платити читальня даного села, бо те буде користь для цілого села. Зголошеня приос-лати на руки газеты „Лемко“ в Крыниці.

БЕЗПЛАТНО ЧИТАТЕЛЯМ «ЛЕМКО»!

Позволь мені бесплатно определити Твой характер, способности, судьбу и привести наиболее важны факты Твоей жизни. Определити, кто Ты и кым Ты можеш быти. Крім того, выбрати Тоби на основаню астрологичных и кабалистичных исчислений, Твое счастливый номер в текучей Государственной Лоте-рии и указати, где Ты его можеш купити. Напиши мені Твое назвиско, имя, рок и місяц рожденя. При-ми во внимане, што я человек науки, долголітний редактор распространенного журнала «Swit» (тайне знане), автор многих научных трудов. Не присылай никакого вынагородженя. На почтовы и канцелярийны расходи по высылкі гороскопа приложи 1 золотый поч-товыми марками.

На билет № 1226727 выбранны мной пала выграна 150,000 зл. На невелике количество выбранных мною номеров пало множество выгранных но по недостатку місца перечисляю только дакотры из них: Józef Cabała, Limanowa, urzędnik Rafinerji 10,000 zł., E. Zausznik, sa, Bank Rzemiesników, Włocławek, 3-go maja 7, 5000 zł. Frychel Wilhelm, Katowice i Brunów, Wodospady 3, 5000 zł., Akciowycówna Helena, poczta Hołubieze i Łom-nieki Podhajce 5000 zł. Лично принимаю цілы день Warszawa, Redakcja «Swit», Żóławia 47. Психолог, филолог Шиллер-Школьник.—Обьявлене вырзати и приложити. (Vita)



Што чути в світі.

В полудневой Африці появила ся така маса шаранчи, што задержуе сна поїз-ды. Шаранча обседає поля верством на 15 см. грубом и нищит все ростины. Кади перелетит шаранча, земля остає цілком гола. Власти выслали спасательны поїзды для ни-щєня шаранчи. При ужитю труткы нищит ся шаранчу, але трутка осідат на ростинах и може затрути также звирата домашни.

Огниста куля появила ся в окрест-ности Нантес (Франция) куля была барвы червеной, огнистой и опадала повови на зем-лю, розсыпуючи по дорозі прєкрасный дощ искор. Невысоко над земльом куля рос-прысела ся с великим гуком. Гук чути было далеко, а саму кулю виділи люди в лучу килькадесятох кильометров.

Велика буря на Атлантійском Океані. Три великы трансокеаничны корабли „Маже-стик“, „Вашингтон“ и „Пари“, котры дня 11. XII. мали прихати до Нью-Йорка повідо-мили портовы власти, же приїдут с 36 годин-ным опозданем. Причина того ест страшна буря: Корабель брытвійский „Усворт“ выс-лел мельлунок радиовый, же находит ся в опаснєсти.

В Линсинг в етані Мичиген в Поли. Амерыці згорил великий готель, в котром жило 200 людей. Огень росширил ся так скоро, же люди не могли утечи и 60 лю-да спалило ся, а друге тилько ест барз по-пареных.

В Амерыці и Росии сут страш-ны морозы. В Челябинску мороз доходит до 28 градусов нивше зєра, а в Москві—22°. Таксамо в Амерыці сут так сильны мерозы, же замерзло до того часу 15 люда.

Открыте читальні им. Михаила Качков. в Пантной.

В субету дня 22. грудня 1934. р. (свято Непорочного Зачатя) о годині 1. в полудне в сєді Пантна горлянского повіта в дому Ивана Шкирпана, отбуде ся **открыте чи-тальні им. м. Качковского.** Тымча-совый выдїл просит вшиткых рускых людей місцевых и с окрестных сєл прияти участь в том собраню.

Оголошенє

Редакция просит замовляти уж калєндары на 1935 р. Калєндар великий о 160 см. Найдете там дуже интересного матеріала. Коштує с пе-ресылком 50 грошей. Выслыламе лем за готовы гроши.